

婺川縣備志

地369.99

41

部=

婺川縣備志

婺川縣備志複製說明

婺川縣備志，民國十一年婺川縣修志局彙輯，存十一卷，未刊。現據上海圖書館藏鈔本及本館所藏鈔本複製。

複製時對部分明顯的錯字，已予校正，並附「校勘記」於書末，以便讀者參考。歡迎對複製本提出意見。

承上海圖書館借給藏本，謹此致謝。

貴州省圖書館

複製說明

婺川縣備志

一九六五年十月

婺川縣備志目錄

卷一 建置

卷二 關隘

卷三 橋梁

卷四 兵事

卷五 書院 義學 學堂

卷六 宦蹟

卷七 節婦

卷八 金石

婺川縣備志

目錄

卷九 土司

卷十 經業


卷十一 災異

# 婺川縣圖



婺川縣備志

圖





婺川縣備志卷一

建置

婺川縣署 在城內西北隅咸同間被燬於亂同治  
七年知縣馮翥明修復九年知縣鄭漢光緒七年  
知縣張濟輝十五年知縣鄒瑞俊二十五年知縣  
聶定中均增修

婺川縣倉廩 義倉一間在縣署左側光緒八年知  
縣羅慶春建

婺川縣備志卷二

關隘

蕉岩關 城東十五里前臨大河山徑崎嶇

隘溪關 城東十里前臨大河同治十一年知縣蒯

官保捐俸於懸巖上鑿石壁為徑以通濟渡處因

勒緣巖鑿壁路以安直八字於石壁

虎踞關 城南五里前臨下龍燈河

芭蕉關 城西五里

飛鳳關 城西五里

婺川縣備志

卷二

關隘

桐麻關 城西十里通涪陽場要道

青崗關 城西二十里

江城關 城北五里俗呼涼水關俯瞰洋溪羊腸一

線有一夫當關萬夫莫開之勢

水雲關 城北二十里俗呼大關路今廢

小關 城北十五里前臨倒陽江

以上關隘皆護衛城池最近之險要策守禦者注

重焉

九杵關 城南七十里為通播要害處山徑偏窄陡

絕高峻前明楊應龍據播於此征戰

小水關 城南九十里昔時所建石卡尚存

磬口關 城西五十里通黃都壩要路兩巖豁豁形

如磬口

老鷹關 城北九十里

濯水關 城北一百六十里通彭水縣要路

婺川縣備志卷三

橋梁

觀瀾橋 在城東明知縣蔡嵩建舊名薦橋

萬年橋 在城東明知縣鄭向陽建

通遠橋 在城東明知縣傅洪建

甕溪橋 在城東北二十里

縣前橋 在城南街側明知縣陳維藩建

平津橋 在城南門外明萬曆間知縣張任教建路

旁土內怪石如豹蹲虎踞前明末兵部尚書呂大

婺川縣備志

卷三

橋梁

器流寓隱居麻王洞時吟詩二絕勒於此處石上  
今字跡尚可認

龍燈橋 在城南二十里明知縣蔡嵩建於龍登河

上前清乾隆末年知縣費承勳題詩七律一章云

峯迴路轉勢如龍高架虹橋斷澗中行客不驚茅

店夢蹇驢堪繫落花風愁岩古木煙霞冷盤谷山

泉曉氣通幾度揚鞭經過此驂騑驕踏夕陽紅

甘腴橋 在城南四十里明知縣王緯重修清道光

時知縣俞汝本增修勒峯迴路轉四大字於橋頭

石壁字跡飛舞若有山靈呵護者然光緒時知縣  
聶定中補修

聞弦橋 在城西明知縣鄭向陽建

環担水橋 在城西八里邑人龔榮豐募建

喻家河橋 在城西十里邑巫覃應登募建

鎮南橋 在城北六十里為蜀入縣通衢明知縣傅  
洪建

慶餘橋 在城東里許

龍門橋 在城東二里許

婺川縣備志卷四

兵事

咸豐

甲寅四年知縣陸用康遣千總劉榮昌率營兵武生  
一項生希廉率團兵出丁木坳之雙碑禦桐梓縣  
賊梁三發財

乙卯五年夏四月陸令調團首申允珩申炳章率勇  
拒竄入邑境官壩場桐梓縣賊楊隆喜於是賊  
由新場黃都壩出境

婺川縣備志

卷四

兵事

秋貢生周應泰率團兵攻湄潭縣教匪吳大刀於  
正安屬之槐花池敗之大竹園團首張光朝斬  
其首送縣

丙辰六年正月署縣令阮文藻

江西人進士

因去歲銅仁

舉人梅濟鼎據鸚鵡溪作亂反縣外委姜仲元  
由府城還過松溪生員孫又鴻斬姜外委首函  
送梅逆獲偽封將軍至是令千總劉榮昌討之  
又鴻敗遁誅其家

麻布塘里下地教匪冉樓二私造旗幟槍礮與平頂

壩里上地五反賊白大滿小滿等通謀戀山坡生員  
覃元貞擒之送縣正法

丁巳七年冬十二月致和團賊帥楊二因賊首劉義

順當時賊中稱劉祖祖者何恭言已陷思南即率其黨來

據天半寺阮令令千總劉榮昌練總申洪陳元  
順率兵練八百分防豐樂壩河軍功曾白四告  
急榮昌猶豫越二日賊大至偷渡上游出官兵  
之背元順奔榮昌繼之洪被圍於滑石灘血戰  
得出死百餘人城內大震獄囚三十人破門出

婺川縣備志

卷四

兵事

二

走差練追獲之斬於署前

戊午八年春正月初六日楊二至涼水井牛塘諸寨  
多從逆阮令奔三角口初九日揚賊入城燒民  
房數百復還天半寺十三日阮令還城調紅絲  
塘巡檢王藻戀山坡生員覃元貞石步了武生  
項希廉桃符壩生員申炳章本城生員劉靖宇  
桐梓園武舉申德源三坑司監生蕭學太分道  
進攻元貞由柏香坪結筏渡河攻中路賊憑高  
下石如雨元貞率壯士百人冒死先登賊棄寺

南奔追至闌干子適西面劉靖宇兵至合擊大破之靖宇移兵攻馬道賊破之斬賊帥田九龍  
春二月項希廉申炳章攻拔後壩溪由東路來會元貞聞楊二已破引軍至煎茶溪圍紳周昱黃興發資以糧仗進攻洞頭巖巖高且險為賊聚糧之所希廉陽攻其前陰從王河清覓得間道搃其後賊帥余明魁不戰逃楊二走匿平陽蓋洞中安化生員張寅清獲之送縣正法或云府童曾文成所獲待考

婺川縣備志

卷四

兵事

三

春三月濟安團匪首胡黑二之黨田興朝田二喜田姣童等寇紅絲塘巡檢王藻告急劉靖宇率城團三百人往援全軍敗沒兄弟八人皆戰死賊乘勝進寇三坑司蕭學太與火炭了申喬明合團二千拒之申團多奉教者齋頭申水煙三乘學太出戰縱火燔營自後攻之團兵驚潰學太喬明皆被執賊叱跪不屈學太罵賊賊先斷左肘次斫其頭喬明亦被殺申允珮炳章救之亦敗亡隊長申國珍與朝後在偏刀水伏法三姣童後為其下所殺水烟三姣

後據小  
王壩

夏四月濟匪陷邑城先是羅溪申允珩與族人四

洪不協乘邑城之亂誣殺之四洪父瑞蘭奔賊

至是引賊帥楊五田五廖大順來寇羅溪距城二十

里齋頭申三三沙溪人距城八里入胡黑二青蓮教

至是獻樂志洞隘口迎賊至家阮令劉千總奔

石步丁賊入城盡焚公私廨舍惟餘城外四廟

魚戀溪團首劉興義與楊五戰芭蕉關殺傷相

當賊退據倪家壩申炳章由隘溪渡河擊之斬

婺川縣備志

卷四

兵事

四

首數十燒申三三居宅於是貢生馮鼎銘劉興

義簡昌棟劉妹四各團渡河駐游木水生員申

維藩鄒明彪二團駐波羅山黑二聞之率大隊

來援先攻游木水昌棟妹四陣亡餘軍敗遁過

河溺死無算繼攻波羅山維藩明彪不能支亦

相率潰遁賊偵阮令在石步了時圍攻取富戶

項仁德懼禍供給頗急阮令奔南客寨

夏六月黑二屯豐樂壩與倪家壩犄角何恭言率

衆來會勢益盛生員徐岱雲劉興義攻倪家壩

不克喪二百餘人河水為赤阮令在南客寨與  
覃元貞議先攻豐樂壩令桐梓園富戶申允德  
出錢六百千石步丁富戶項仁德出糧千背供  
軍初俱如議及師至鎮南橋錢糧不至衆欲散  
元貞激以忠義直抵豐樂壩得鵞池寺饋米文  
昌達兵亦由新場來會元貞子廷璧首先陷陣  
諸團兵繼之大破賊兵蹙之豐樂河邊溺死過  
半獲牲畜器械無算終以糧乏引退

協和團匪賀濟泮反濟泮邑之濯水人初入覃元

婺川縣備志

卷四

兵事

五

貞團藉其力擒教匪冉樓二及梅逆陷思南元  
貞奉府檄勦賊邀偕行濟泮因與楊小白有仇  
不從元貞強之行既而小白果殺其家口元貞  
受濟泮懟為訟官富戶陳周全為小白營救不  
得直繼訟大府復不直濟泮友王代周居代池  
壩家富族繁常以小忠信悅鄉閭千百人一呼  
可集濟泮涕泣求代周為起徒衆殺楊陳家口  
執小白周全歸灌脂束薪焚之號天燈遂與代  
周及弟代唐田太强李治高何元善何雲龍蔡

春蔡宇林張馬二楊文魁等結為兄弟號十大  
房築寨號曰太平自稱忠孝王設軍師太保將  
軍等名元貞禁之不從率兵攻之覃賀成仇  
濟匪楊五廖大順申三三等以邑城殘毀修劉家  
坡為老巢名紅花堡呼城為壩下逃民漸復來  
歸  
阮令設公局於虎門以籌軍餉諸富戶嗾土匪毀  
之立冒頂大五名目以楊蠻為總老冒一呼千  
人生員書役之逃於彼者均入會

婺川縣備志

卷四

兵事

六

秋七月濟匪聲言圖正安率其黨屢攻茶礮河城距

三十里為北路要隘不克暗從長灘之猪鑽於繞渡守隘

者驚潰關為所據州牧于鐘岳字伯英聞之謂與

其坐待賊來不如先往即率兵由上壩場驚池

寺至江邊進攻申水烟三於盧家岡距縣城四

二百里賊匿不出伺官兵急忽開壁縱擊礮石雨

下傷二百餘人于軍敗還申逆渡江邊掠官學

壩柏村鎮南橋項希廉擊却之

秋八月洞溪賊張麻子襲據迎洋江自公局被毀